

四庫全書

經部

# 欽定四庫全書

經部

日講春秋解義卷五十三

詳校官監察御史臣莫瞻菴

給事中臣溫常綬履勘

覆校官中書臣田尹衡

校對官中書臣袁文邵

謄錄監生臣趙鳴皋

欽定四庫全書

日講春秋解義卷五十二

昭公

十有四年春意如至自晉

左傳十四年春意如至自晉尊晉罪已也以舍族為尊

晉罪已禮也禮修已而不責人

穀梁傳大夫執則致致則名意如惡然而致見君臣之

禮也大夫有罪則宜廢既不能廢不得不盡為君臣之恩故曰見君臣之禮

邾莒之訴晉人明知罪在意如而擯公不盟雖屈於公義姑執意如而不正其罪不返邾莒邑田尋聽自歸蓋意如深結晉之彊家以阨其君利則歸已而危辱則推君其惡極矣故於至自晉特去氏以著其罪與叔孫婼之見執而歸異也

附錄左傳

南蒯之將叛也

在十年

盟費人司徒老祁慮癸偽

廢疾

二人南蒯家臣

使請于南蒯曰臣願受盟而疾興若以

君靈不死請待間而盟

間差也

許之二子因民之欲叛

也請朝衆而盟

欲因合衆以作亂

遂劫南蒯曰羣臣不忘其

君

君謂季氏

畏子以及今三年聽命矣子若弗圖費人不

忍其君將不能畏子矣子何所不逞欲請送子

送使出奔

請期五日

南蒯請期冀有變

遂奔齊侍飲酒于景公公曰叛

夫對曰臣欲張公室也

張強也

子韓皙曰

齊大夫

家臣

而欲張公室罪莫大焉

言越職也

司徒老祁慮癸來歸費

歸魯

齊侯使鮑文子致之

三月曹伯滕卒

夏四月

附錄左傳

夏楚子使然丹簡上國之兵于宗丘

上國杜注在國都之

杜注西方居上流故謂之上國宗丘

且撫其民分貧振

窮長孤幼養老疾收介特

介特單身民也收聚不使流散

救災患宥

孤寡赦罪戾詰姦慝舉淹滯禮新叙舊

新羈旅也

祿勲合

親任良物官

物事也準事以任官

使屈罷簡東國之兵于召陵

亦如之

兵在國都之東者

好于邊疆息民五年而後用師禮

也

秋葬曹武公

八月莒子去疾卒

左傳秋八月莒著丘公卒郊公不憾郊公著丘公國人弗順

欲立著丘公之弟庚輿庚輿莒共公蒲餘侯惡公子意恢

而善于庚輿蒲餘侯莒大夫茲夫也意恢莒羣公子郊公惡公子鐸而

善于意恢鐸亦羣公子公子鐸因蒲餘侯而與之謀曰爾

殺意恢我出君而納庚輿許之為下冬殺意恢傳

昭公時薛杞微國無不會其葬者何獨於莒則不

往蓋意如專國怒其嘗訴已耳或以為著丘公無  
諡春秋不書其葬誤矣

附錄  
左傳

楚令尹子旗有德于王

子旗蔓成然  
有佐立之德

不知度與

養氏比而求無厭

養氏子旗之黨  
養由基之後

王患之九月甲午

楚子殺闕成然而滅養氏之族使闕辛居鄖以無忘

舊勲

辛子旗之  
子鄖公辛

冬莒殺其公子意恢

左傳冬十二月蒲餘侯茲夫殺莒公子意恢郊公奔齊



公子鐸逆庚與于齊齊隰黨公子鉏送之有賂田

賂莒

齊以田

穀梁傳

言公子而不言大夫莒無大夫也莒無大夫而

曰公子意恢意恢賢也曹莒皆無大夫其所以無大

夫者其義異也

曹小莒夷故異

意恢以國殺為文而不去其族非其罪也公子鐸首亂不見於經者韓愈謂春秋書王法不誅其人之身若此類者多矣

附錄左傳

晉邢侯與雍子爭鄩田

邢侯楚申公巫臣之子也雍子亦故楚人久而

無成士景伯如楚

士景伯晉理官

叔魚攝理

攝代景伯

韓宣子命斷

舊獄罪在雍子雍子納其女子叔魚叔魚蔽罪邢侯

斷蔽

也

邢侯怒殺叔魚與雍子于朝宣子問其罪于叔向叔

向曰三人同罪施生戮死可也

施行罪也

雍子自知其罪而

賂以買直鮒也鬻獄邢侯專殺其罪一也已惡而掠美

為昏貪以敗官為墨

墨不潔之稱

殺人不忌為賊夏書曰昏

墨賊殺

逸書三者皆死刑

皋陶之刑也請從之乃施邢侯而尸

雍子與叔魚于市仲尼曰叔向古之遺直也

言叔向之直有古人

遺風治國制刑不隱于親

謂國之大問已所答當也至于他事則宜有隱

三數叔

魚之惡不為末減曰義也夫可謂直矣

于義未安直則有之

平丘

之會數其賄也

謂言清貨無厭

以寬衛國晉不為暴歸魯季孫

稱其詐也

謂言鮒也能

以寬魯國晉不為虐邢侯之獄言其

貪也

謂言鮒也驚獄

以正刑書晉不為頗三言而除三惡加三

利

三惡暴虐頗也三利寬魯衛正刑書

殺親益榮猶義也夫

十有五年春王正月吳子夷末卒

公羊作夷昧

二月癸酉有事于武宮籥入叔弓卒去樂卒事

左傳

十五年春將禘于武公戒百官

齊戒

梓慎曰禘之日

其有咎乎吾見赤黑之祲非祭祥也喪氛也

祲妖氣也蓋見

于宗廟氣惡氣也

其在蒞事乎二月癸酉禘叔弓蒞事籥入

而卒去樂卒事禮也

公羊傳

其言去樂卒事何禮也君有事于廟聞大夫之

喪去樂卒事大夫聞君之喪攝主而往

主謂已主祭者臣聞君之

喪義不可以不即行故使兄弟若宗人攝行主事而往不廢祭者古禮也

大夫聞大夫之

喪尸事畢而往

賓尸事畢而往也

穀梁傳

君在祭樂之中聞大夫之喪則去樂卒事禮也

祭樂者君在廟中祭作樂

君在祭樂之中大夫有變以聞可乎大

夫國體也

君之卿佐是謂股肱故曰國體

古之人重死君命無所不

通

死者不可復生重莫大焉是以君雖在祭樂之中大夫死以聞可也

有事謂有祭事也祭主於誠慤故當祭雖大夫之喪不得以聞若有事于武宮叔弓泣事而卒則為之徹樂而卒事亦禮之可以義起者蓋緣先祖之

心見大臣之卒不忍聞樂緣主祭者之心視已設之饌不忍中輟則去樂而卒事可矣弓之卒正當籥入時故舉籥入及其去之則諸樂皆徹故云去樂非獨去籥舞也

夏蔡朝吳出奔鄭

朝公羊作昭無出字

左傳楚費無極害朝吳之在蔡也

朝吳蔡大夫有功于楚平王故無極恐其

有寵疾害之

欲去之乃謂之曰王唯信子故處子于蔡子

亦長矣而在下位辱必求之吾助子請又謂其上之

人曰

蔡人在上位者

王唯信吳故處諸蔡二三子莫之如也

而在其上不亦難乎弗圖必及于難夏蔡人逐朝吳

朝吳出奔鄭王怒曰余唯信吳故寘諸蔡且微吳吾

不及此女何故去之無極對曰臣豈不欲吳然而前

知其為人之異也吳在蔡蔡必速飛去吳所以翦其

翼也

以鳥喻也言吳在蔡必能使蔡速強而背楚

朝吳蔡之世臣蔡之復也本謀實出於吳而至不

安於宗國則逐之非蔡侯意也陳蔡世服於楚雖

以欲背楚得罪者必奔楚以自訴而吳奔鄭其不  
容於楚可知矣蔡雖復國而國內之臣楚實制其  
存亡其何能國乎

六月丁巳朔日有食之

附錄  
左傳

六月乙丑王太子壽卒

周景  
王子

秋八月戊寅王

穆后崩

太子壽之母也傳為晉  
荀躒如周葬穆后起

秋晉荀吳帥師伐鮮虞

左傳晉荀吳帥師伐鮮虞圍鼓

鼓杜注白狄之別鉅鹿  
下曲陽縣有鼓聚在今



直隸晉  
州西

鼓人或請以城叛穆子弗許左右曰師徒不

勤而可以獲城何故不為穆子曰吾聞諸叔向曰好  
惡不愆民知所適事無不濟或以吾城叛吾所甚惡

也人以城來吾獨何好焉賞所甚惡若所好何

無以復

所好若其弗賞是失信也何以庇民力能則進否則退

量力而行吾不可以欲城而邇姦所喪滋多使鼓人  
殺叛人而繕守備圍鼓三月鼓人或請降使其民見  
曰猶有食色姑修而城軍吏曰獲城而弗取勤民而

頓兵何以事君穆子曰吾以事君也獲一邑而教民

怠將焉用邑邑以賈怠不如完舊

完猶保守

賈怠無卒

不能

善終

棄舊不祥鼓人能事其君我亦能事吾君率義不

爽

爽差也

好惡不愆城可獲而民知義所

知義所在也苟吳必其能

獲故因以示義

有死命而無二心不亦可乎鼓人告食竭力

盡而後取之克鼓而反不戮一人以鼓子戴鞮歸

戴鞮

鼓君

名

十二年晉伐鮮虞今又遣命卿率大衆以伐之蓋

諸卿各營其私務近攻以闢土壤而荆楚之橫肆  
小國之摧殘絕不以介於心也

### 冬公如晉

左傳冬公如晉平丘之會故也

謝季孫免歸

十三年公如晉為意如請而意如不使公得達者  
恐公以情訴懼晉侯之意或移而正已之罪也今  
意如既釋可無他虞故聽公一朝而又止焉比事  
以觀則晉屢拒公皆意如主之可知矣

附錄左傳

十二月晉荀躒如周葬穆后籍談為介既葬除

喪以文伯宴樽以魯壺

文伯荀躒也魯壺魯所獻壺樽

王曰伯氏諸

侯皆有以鎮撫王室晉獨無有何也

感魯壺而言也鎮撫王室謂貢

獻之物

文伯揖籍談

文伯無辭揖籍談使對

對曰諸侯之封也皆

受明器于王室

謂明德之分器

以鎮撫其社稷故能薦彝器

于王

彝常也謂可常寶之器若魯壺之屬

晉居深山戎狄之與鄰而遠

于王室王靈不及拜戎不暇其何以獻器王曰叔氏

而忘諸乎

叔籍談字

叔父唐叔成王之母弟也其反無分

密須杜注安姓國也

闕鞏之甲武所以克商也

唐叔受之以處參虛匡有戎狄

次參虛實分野之其後

周襄王賜晉文  
公大路戎路

鍼鉞鉅鬯

鉞鉞  
金斧  
鉞也

彤弓虎

賁文公受之以有南陽之田

事在僖二十八年

撫征東夏非

分而何夫有勲而不廢有績而載奉之以土田撫之

以彝器旌之以車服明之以文章子孫不忘所謂福

也福祚之不登叔父焉在

言福祚不在叔父當在誰邪

且昔而高

祖孫伯璽司晉之典籍以為大政故曰籍氏

孫伯璽晉正卿

籍談九世祖

及辛有之二子董之晉于是乎有董史

辛有周人

其二子通晉為大史籍璽與之共董晉與因為董氏董狐其後

女司典之後也何

故忘之籍談不能對賓出王曰籍父其無後乎數典

而忘其祖

忘祖業

籍談歸以告叔向叔向曰王其不終

乎吾聞之所樂必卒焉今王樂憂若卒以憂不可謂

終王一歲而有三年之喪二焉

謂后崩大子卒禮父為長子三年夫為妻

期必三年然後娶則亦有三年之義又天子絕期惟服三年故通謂之三年喪于是乎以喪

賓宴又求彝器樂憂甚矣且非禮也彝器之來嘉功

之由非由喪也三年之喪雖貴遂服禮也

天子諸侯除喪當在

卒哭今王既葬而除故譏其不遂

王雖弗遂宴樂以早亦非禮也禮

王之大經也一動而失二禮無大經矣

失二禮謂既

宴樂言以考典典以志經忘經而多言舉典將馬用之

為二十二年

王室亂傳

十有六年春

附錄左傳

十六年春王正月公在晉晉人止公不書諱之

也猶以取鄭故

# 齊侯伐徐

傳左齊侯伐徐二月丙申齊師至于蒲隧

蒲隧地 下邳取慮

縣東有蒲如陂在今江南虹縣北

徐人行成徐子及邾人莒人會齊

侯盟于蒲隧賂以甲父之鼎

甲父杜注古國名高平昌邑縣東南有甲父亭

今昌邑城在東金鄉縣西北

叔孫昭子曰諸侯之無伯害哉齊君

之無道也興師而伐遠方會之有成而還莫之亢也

無伯也夫詩曰周宗既滅靡所止戾正大夫離居莫



知我肄

詩小雅戾定也肄勞也言執政大夫離居異心無有念民勞者

其是之謂三

傳言晉之衰

此為晉伯既衰齊景公爭伯之始事也然景公不能明政教以收國衆修德禮以屬諸侯而區區於鄰近之國稱兵以逐利將以求霸不亦左乎

楚子誘戎蠻子殺之

戎蠻公羊作戎曼杜注河南新城縣東南有蠻城在今河南汝州西

南

左傳

楚子聞蠻氏之亂也與蠻子之無質也

質信也

使然

丹誘戎蠻子嘉殺之遂取蠻氏既而復立其子焉禮也

公羊傳

楚子何以不名

據誘蔡侯名

夷狄相誘君子不疾也

曷為不疾若不疾乃疾之也

以為固當然者乃所以為惡也

楚子之誘一也而或名或不名者虔以篡弑之賊而滅先王之建國棄疾雖乘亂取國而非親為弑逆雖殺戎蠻子而復立其子其惡之小大有差也蔡侯與戎蠻子之見殺一也而或名或不名者蔡

般弑父與君蠻氏亂而無質其罪之輕重有差也  
程子所謂時措從宜者此類是矣

附錄  
左傳

三月晉韓起聘于鄭鄭伯享之子產戒曰苟有

位于朝無有不共恪孔張後至立于客間

孔張子執  
孔之孫

政禦之

執政掌位列  
者禦止也

適客後又禦之適縣間

縣樂  
肆

客

從而笑之事畢富子諫曰

富子鄭大夫  
諫子產也

夫大國之人

不可不慎也幾為之笑而不陵我我皆有禮夫猶鄙

我國而無禮何以求榮孔張失位吾子之恥也子產

怒曰發命之不衷

衷常

出令之不信刑之頗類

緣事類以成偏

頗

獄之放紛會朝之不敬使命之不聽取陵于大國

罷民而無功罪及而弗知僞之恥也孔張君之昆孫

子孔之後也

昆兄也子孔鄭襄公兄孔張之祖父

執政之嗣也

子孔嘗執鄭國

之政為嗣大夫承命以使周于諸侯國人所尊諸侯所

知立于朝而祀于家

卿得自立廟于家

有祿于國有賦于軍

軍出卿賦百乘

喪祭有職受脤歸脤

受脤謂君祭以肉賜大夫歸脤謂大夫祭歸肉

于公皆社之戎祭也

其祭在廟

謂助君祭

已有著位在位數世世守

其業而忘其所僑焉得恥之辟邪之人而皆及執政

是先王無刑罰也子寧以他規我宣子有環其一

在鄭商

玉環同工共璞自共為雙

宣子謁諸鄭伯子產弗與曰非

官府之守器也寡君不知子大叔子羽謂子產曰韓  
子亦無幾求晉國亦未可以貳晉國韓子不可偷也  
若屬有讒人交鬪其間鬼神而助之以興其凶怒悔  
之何及吾子何愛于一環其以取憎于大國也盍求  
而與之子產曰吾非偷晉而有二心將終事之是以

弗與忠信故也。僑聞君子非無賄之難立而無令名之患。僑聞為國非不能事大字小之難。無禮以定其位之患。夫大國之人令于小國而皆獲其求。將何以給之。一共一否為罪。滋大國之求。無禮以斥之。何

饜之有。吾且為鄙邑則失位矣。

不復成國

若韓子奉命以

使而求玉焉。貪淫甚矣。獨非罪乎。出一玉以起二罪。

吾又失位。韓子成貪將焉用之。且吾以玉賈罪。不亦

銳乎。

銳細小也

韓子買諸賈人。既成賈矣。商人曰。必告君。

大夫韓子請諸子產曰日起請夫環執政弗義弗敢

復也今買諸商人商人曰必以聞敢以為請子產對

曰昔我先君桓公與商人皆出自周

鄭本在周畿內桓公東遷與商

人俱庸次比耦

庸用也用次更相從耦耕

以艾殺此地斬之蓬蒿藜

藿而共處之世有盟誓以相信也曰爾無我叛我無

強賈

無強市其物

毋或勾奪爾有利市寶賄我勿與知恃

此質誓故能相保以至于今今吾子以好來辱而謂

敝邑強奪商人是教敝邑背盟誓也毋乃不可乎吾

子得玉而失諸侯必不為也若大國令而共無藝鄭

鄙邑也亦弗為也僑若獻玉不知所成敢私布之韓

子辭玉曰起不敏敢求玉以徼二罪敢辭之

傳言子產知禮

宣子能改過

夏四月鄭六卿餞宣子于郊宣子曰二三

君子請皆賦起亦以知鄭志子齎賦野有蔓草

子齎子皮

之子嬰齊也野有蔓草詩鄭風取其邈迤相過適我願兮宣子曰孺子善哉吾有

望矣

君子相願已所望也

子產賦鄭之羔裘

言鄭別于唐羔裘也取其彼其之子

舍命不渝邦之彦兮以美韓子宣子曰起不堪也

不堪國司直

子大叔賦



褰裳

褰裳詩曰子惠思我褰裳涉溱子不思豈無他人蓋思大國之勤已也宣子曰起

在此敢勤子至于他人乎子大叔拜宣子曰善哉子

之言是不有是事其能終乎

韓起不欲令鄭求他人子大叔拜以答之所以

晉鄭終善子游賦風雨

子游駟帶之子駟偃也風雨詩取其既見君子云胡不夷

子旗

賦有女同車

子旗公孫段之子豐施也有女同車取其洵美且都愛樂宣子之志

子柳

賦擇兮

子柳印段之子印葵也擇兮詩取其倡予和女言宣子倡已將和從之

宣子喜

曰鄭其庶乎二三君子以君命貺起賦不出鄭志

六詩

皆鄭風故曰不出鄭志

皆昵燕好也昵親也賦不出其國以示親好

二三君子

數世之主也可以無懼矣宣子皆獻馬焉而賦我將

我將詩頌取其日靖四方我其夙夜畏天之威言志在靖亂畏懼天威

子產拜使五卿

皆拜曰吾子靖亂敢不拜德宣子私覲于子產以玉

與馬曰子命起舍夫玉是賜我玉而免吾死也敢不

藉手以拜

以玉馬藉手拜謝子產

夏公至自晉

左傳公至自晉子服昭伯語季平子曰

昭伯惠伯之子子服回也隨公

從晉還

晉之公室其將遂卑矣君幼弱六卿強而奢傲

將因是以習習實為常能無卑乎平子曰爾幼惡識國

公以去年冬如晉今夏始書至踰三時而後歸去國之久惟僖公會淮襄公如楚及此為皆受制於大國而不使即歸也考其時則微傳而事著矣晉人明知罪在意如而釋之明知與公無與而反止焉意如之陷公至於此極其後公謀討之亦勢不容已不幸無成而傳者及諸儒皆責公之妄舉過

矣

秋八月己亥晉侯夷卒

左傳

秋八月晉昭公卒

晉自平公弛其操柄政在大夫盟宋以後會盟征伐楚實專之昭公嗣立僅一會大夫幸楚虔覆敗國有內憂未遑外事諸侯復合於平丘正可以有為之時而信義不立軍政不修邾莒雖訴侵地不反芻蕘之淫叔鮒無誅徒以盛兵示威而齊鄭已

窺其釁矣且曲庇季氏重困魯侯諸侯心貳不亦  
宜乎此雖由昭公之無志亦因世卿擅國積重而  
難返也

### 九月大雩

左傳九月大雩旱也

附錄左傳鄭大旱使屠擊祝款豎柎有事于桑山

三子鄭大夫

斬其木不雨子產曰有事于山藪山林也

藪養護今繁殖而

斬其木其罪大矣奪之官邑

季孫意如如晉

冬十月葬晉昭公

傳左冬十月季平子如晉葬昭公平子曰子服回之言

猶信

自往見之乃信回言

子服氏有子哉

十有七年春小邾子來朝

傳左十七年春小邾穆公來朝公與之燕季平子賦采

叔何

采叔詩小雅取其君子來朝

穆公賦菁菁者莪菁

者莪亦詩小雅取其既見

昭子曰不有以國其能久

乎

嘉其能答賦言其賢故能久有國

魯既卑矣小國猶有朝者晉亦卑矣諸侯猶有朝者但操柄下移內政不修國終無與立耳

夏六月甲戌朔日有食之

左傳夏六月甲戌朔日有食之祝史請所用幣

禮正月陽之月日

食當用幣于社故請之

昭子曰日有食之天子不舉伐鼓于社

諸侯用幣于社伐鼓于朝禮也平子禦之曰止也唯正月朔慝未作日有食之于是乎有伐鼓用幣禮也

其餘則否大史曰在此月也

正月謂建巳正陽之月也于周為六月于夏為

四月應陰氣也四月純陽用事陰氣未動而侵陽災重故有伐鼓用幣之禮也平子以為六月非正月故

大史答言

在此月也日過分而未至

過春分而未夏至

三辰有災

三辰日

星也日月相侵又犯是宿故三辰皆為災

于是乎百官降物

降物素服

君不舉

辟移時

辟正寢過日食時

樂奏鼓祝用幣史用辭

用辭自責

故

夏書曰辰不集于房

夏書胤征篇集安也房舍也日月不安其舍則食

瞽奏

鼓嗇夫馳庶人走

嗇夫主幣之官車馬曰馳步曰走為救日食備也

此月朔之

謂也當夏四月是謂孟夏

言此六月當夏家之四月

平子弗從昭



子退曰夫子將有異志不君君矣

安君之災是不復以君為君矣

### 秋郊子來朝

左秋郊子來朝公與之宴昭子問焉曰少皞氏鳥名

官何故也

少皞金天氏黃帝之子已姓之祖也

郊子曰吾祖也我知之

昔者黃帝氏以雲紀故為雲師而雲名

黃帝軒轅氏姬姓之祖也

黃帝受命有雲瑞故以雲紀事百官師長皆以雲為名號繒雲氏蓋其一官也炎帝氏以火

紀故為火師而火名

炎帝神農氏姜姓之祖也亦有火瑞以火紀事名百官

共

工氏以水紀故為水師而水名

共工以諸侯霸有九州者在神農前大皞

後亦受水瑞  
以水名官

大皞氏以龍紀故為龍師而龍名大犧

氏風姓之祖也有我高祖少皞摯之立也鳳鳥適至  
龍瑞故以龍命官

故紀于鳥為鳥師而鳥名鳳鳥氏歷正也鳳鳥知天時故以名

歷正之官玄鳥氏司分者也玄鳥燕也以春分來秋分去伯趙氏司至

者也伯趙伯勞也以至夏至鳴冬至止青鳥氏司啓者也青鳥鵲也以至立春鳴立

止丹鳥氏司閉者也丹鳥鶩雉也以立秋來立冬去入大水為蜃上四鳥皆歷正之

屬祝鳩氏司徒也祝鳩鵲也鵲孝故為司徒主教民鳴鳩氏司馬

也鳴鳩王鳩也鵲而有別故為司馬主法制鳴鳩氏司空也鳴鳩鵲也鵲平均故

為司空爽鳩氏司寇也爽鳩鷹也鷺故鶻鳩氏司事

也鶻鳩鶻鶻也春來五鳩鳩民者也鳩聚也治民上冬去故為司事

五雉為五工正五雉雉有五種西方曰鶻雉東方曰雉雉攻金之工也鶻雉攻木之工也鶻雉攻皮之工也鶻雉攻土之工也鶻雉攻金之工也鶻雉攻木之工也鶻雉攻皮之工也鶻雉攻土之工也鶻雉攻金之工也鶻雉攻木之工也鶻雉攻皮之工也鶻雉攻土之工也

之南曰鶻雉鶻雉攻金之工也鶻雉攻木之工也鶻雉攻皮之工也鶻雉攻土之工也

色之利器用正度量夷民者也夷平九扈為九農正

扈有九種也春扈鵠鵠夏扈竊玄秋扈竊藍冬扈竊黃棘扈竊丹行扈喈喈宵扈噴噴桑扈竊脂老扈鷦

鷦以九扈為九農之號各隨其宜以教民事賈逵云春扈鵠鵠相五土之宜趣民耕種者也夏扈竊玄趣

民耘苗者也秋扈竊藍趣民收斂者也冬扈竊黃趣民蓋藏者也棘扈竊丹為果驅鳥者也行扈喈喈畫



與三塗萇弘謂劉子曰客容猛非祭也其伐戎乎陸

渾氏甚睦于楚必是故也君其備之乃警戎備九月

丁卯晉荀吳帥師涉自棘津

棘津杜注河津名在今河南胙城縣北使

祭史先用牲于雒陸渾人弗知師從之庚午遂滅陸

渾數之以其貳于楚也陸渾子奔楚其衆奔甘鹿

甘鹿

杜注周地今河南宜陽縣有鹿蹄山甘水所出

周大獲

先警戎備故

宣子夢文公

攜荀吳而授之陸渾故使穆子帥師獻俘于文宮

以欲

夢應

僖二十二年秦晉遷陸渾之戎于伊川非戎自逼  
居內地也又不聞其侵敗王畧而晉忽以詐滅之  
貪暴極矣若謂其貳于楚則諸侯皆貳何獨于陸  
渾有討乎

冬有星孛于大辰

傳冬有星孛于大辰西及漢

夏之八月辰星見在天漢西今孛星出辰西光

芒東及天漢

申湏曰

申湏魯大夫

彗所以除舊布新也天事恒

象

天道恒以象類告示人

今除于火火出必布焉諸侯其有火

災乎

今火向伏故知當須

梓慎曰往年吾見之是其

徵也

徵始有形象而微也

火出而見

前年火出時

今茲火出而章必

火入而伏

隨火行也

其居火也久矣

歷二年

其與不然乎

言必

然也

火出于夏為三月

謂昏見

于商為四月于周為五月

夏數得天

得天正

若火作其四國當之在宋衛陳鄭乎

宋大辰之虛也

大辰大火宋分野

陳大皞之虛也

大皞居陳木火所自

出鄭祝融之虛也

祝融高辛氏之火正居鄭

皆火房也星孛及漢

漢水祥也

天漢水也

衛顓頊之虛也故為帝丘其星為大

水

衛星營室水也

水火之牡也

牡雄也

其以丙子若壬午作

乎水火所以合也

丙午火壬子水水火合而相薄水少而火多故水不勝火

若火

入而伏必以壬午不過其見之月

火見之五月

周鄭裨竈言

于子產曰宋衛陳鄭將同日火若我用瓚罍玉瓚鄭

必不火

瓚珪也罍也欲以禳火

子產弗與

以爲天災流行非禳所息故也

爲明年宋衛陳鄭災傳

公羊傳

孛者何彗星也其言于大辰何在大辰也大辰

者何大火也

大火心也東方蒼龍七宿之一在中最明以候四時故曰大辰辰時也

大



火為大辰伐為大辰

伐謂參伐也伐星在參傍與參連體大火與伐天所以示民時

早晚天下所取正故同為大辰

北辰亦為大辰

北辰北極居天之中以正四時故亦謂之

大辰何以書記異也

穀梁傳

一有一亡曰有于大辰者濫于大辰也

劉向曰大辰者

大火也不曰于大火而曰大辰者謂濫于蒼龍之體不獨加大火

大辰心星也前漢書五行志云心天子之象也天

文志云心三星中星曰明堂天子位為大辰彗加

於心其祲大矣當其時申須梓慎裨竈皆以為火

災至宋胡氏安國則以為應在後五年王室子朝  
之亂春秋紀災異而不言其事應見人君當謹天  
戒修德以弭災而事應則不可以常也必求其說  
則時有不應而轉以天變為不足畏矣

楚人及吳戰于長岸

長岸杜注楚地今江南當塗縣西  
南有西梁山與東梁山夾江相對

亦曰天門山郡國志春  
秋楚獲吳餘皇處也

左傳吳伐楚陽句為令尹

陽句穆王曾  
孫令尹子瑕卜戰不吉司馬

子魚曰我得上流何故不吉

子魚公子魴也順  
江而下易用勝敵且楚

故司馬令龜我請改卜令曰魴也以其屬死之楚師

繼之尚大克之吉戰于長岸子魚先死楚師繼之大

敗吳師獲其乘舟餘皇餘皇舟名使隨人與後至者守之

環而塹之及泉環周也盈其隧炭陳以待命隧出入道炭火也盈

路置火以防吳人言其守之嚴密吳公子光請于其衆曰光諸樊子闔廬喪

先王之乘舟豈唯光之罪衆亦有焉請藉取之以救

死藉衆之力以取舟衆許之使長鬣者三人潛伏于舟側長鬣

多髯鬚與吳人異曰我呼餘皇則對師夜從之師吳師也

三呼皆迭對楚人從而殺之楚師亂吳人大敗之取

餘皇以歸

傳言吳光有謀

公羊傳

詐戰不言戰此其言戰何

據於越敗吳于槁李

敵也

俱無勝負

不可言敗故言戰

穀梁傳

兩夷狄曰敗

於越敗吳于槁李是也

中國與夷狄亦曰敗

晉荀吳敗狄于大鹵是也

楚人及吳戰于長岸進楚子故曰戰

楚先勝吳吳復勝楚勝負相敵故言戰不言敗據

傳五年吳嘗敗楚于鵠岸不書六年敗楚于房鍾

不書書伐吳而已至是始書戰著其國勢匹敵而抗兵相加也

十有八年春

附錄左傳

十八年春王二月乙卯周毛得殺毛伯過而代

之

毛伯過周大夫得過之族

萇弘曰毛得必亡是昆吾稔之日也

昆吾夏伯稔熟也侈惡積熟以乙卯日與桀同誅

侈故之以而毛得以濟侈

于王都不亡何待

為二十六年毛伯奔楚傳

王三月曹伯須卒

傳左三月曹平公卒為下會葬見原伯張本

夏五月壬午宋衛陳鄭災

傳左夏五月火始昏見丙子風梓慎曰是謂融風火之

始也東北曰融風融風木也木為火母故曰火之始七日其火作乎從丙子至壬午

七日壬午水火合戊寅風甚壬午大甚宋衛陳鄭皆七日故知當火作

火梓慎登大庭氏之庫以望之大庭氏杜注古國名在魯城內魯于其處

作庫高顯故登以望氣曰宋衛陳鄭也數日皆來告參近占以審前年之言

火裨竈曰不用吾言鄭又將火前年裨竈欲用璫屨

請用之

鄭人請用之子產不可子大叔曰寶以保民也

若有火國幾亡可以救亡子何愛焉子產曰天道遠

人道邇非所及也何以知之竈焉知天道是亦多言

矣豈不或信

多言者或時有中

遂不與亦不復火鄭之未災

也里析告子產曰將有大祥

里析鄭大夫祥變異之氣

民震動國

幾亡吾身泯焉弗良及也

言將先災死

國遷其可乎子產

曰雖可吾不足以定遷矣

子產知天災不可逃非遷所免故託以知不足及

火里析死矣未葬子產使輿三十人遷其柩火作子

產辭晉公子公孫于東門

晉人新來未入者

使司寇出新客

禁舊客勿出于宮

為其知國情不欲令去

使子寬子上巡羣屏

攝至于大宮

二子鄭大夫屏攝祭祀之位大宮鄭祖廟巡行宗廟不使火得及之使公

孫登徙大龜

登開卜大夫

使祝史徙主柝于周廟告于先

君

祐廟主石函周廟厲王廟也有火災故合羣主于祖廟易救護

使府人庫人各儆

其事商成公儆司宮

商成公鄭大夫

出舊宮人寘諸火所不

及司馬司寇列居火道

備非常也

行火所炊

炊炙也

城下之

人伍列登城

備姦也

明日使野司寇各保其徵

野司寇縣士也



戒使各保其所應受徵役郊人助祝史除于國北祭為

處于國北方禳火于玄冥回祿玄冥水神回祿火神祈于四鄺

鄺城也城積土陰氣所聚故祈祭之以禳火之餘災書焚室而寬其征與之材

三日哭國不市使行人告于諸侯宋衛皆如是陳不

救火許不弔災君子是以知陳許之先亡也不義所以亡

公羊傳何以書記異也何異爾異其同日而俱災也外

異不書此何以書為天下記異也

殺梁傳其志以同日也其日亦以同日也或曰人有謂

鄭子產曰某日有災子產曰天者神子惡知之是人也同日為四國災也

四國同日而災非人力所為也傳載裨竈豫知其兆請禳而子產不許蓋知天道之遠一以人事為憑故竈言鄭又當火卒亦不應觀此益信古人以德消變人事誠修在天之禍福實有可移之理矣

六月邾人入郕

郕杜注姁姓國在琅瑯開陽縣今山東沂州北有開陽故城

傳左六月邾人藉稻

其君自出藉稻蓋履行之

邾人襲郕邾人將閉

門邾人羊羅攝其首焉

斬得開門者頭

遂入之盡俘以歸邾

子曰余無歸矣從帑于邾邾莊公反邾夫人而舍其

女

為明年宋伐邾起

### 秋葬曹平公

傳秋葬曹平公往者見周原伯魯焉

原伯魯周大夫

與之語

不說學歸以語閔子馬閔子馬曰周其亂乎夫必多

有是說而後及其大人

大人在位者

大人患失而惑

患有學而

失道者以惑其意

又曰可以無學無學不害不害而不學則

苟而可于是乎下陵上替能無亂乎夫學殖也

殖生長也

言學之進德如農之殖苗日新月盛不學將落原氏其亡乎

附錄左傳

七月鄭子產為火故大為社

為治也

被襦于四方

振除火災禮也乃簡兵大蒐將為蒐除

治兵于廟城內地追故除

廣子大叔之廟在道南其寢在道北其庭小

庭蒐場也過

期二日使除徒陳于道南廟北曰子產過女而命速

除乃毀于而鄉

毀女所鄉

子產朝過而怒之

怒不毀

除者南

毀子產及衝使從者止之曰毀于北方

言子產仁不忍毀人廟

火之作也子產授兵登陴子大叔曰晉無乃討乎

辭晉

公子公孫而授兵似若叛晉

子產曰吾聞之小國忘守則危況有

災乎國之不可小有備故也既晉之邊吏讓鄭曰鄭國有災晉君大夫不敢寧居卜筮走望不愛牲玉鄭之有災寡君之憂也今執事擱然授兵登陴

擱然慙貌勁

將以誰罪邊人恐懼不敢不告子產對曰若吾子之言敝邑之災君之憂也敝邑失政天降之災又懼讒慝之間謀之以啓貪人薦為敝邑不利以重君之憂

幸而不亡猶可說也不幸而亡君雖憂之亦無及也

鄭有他竟望走在晉

言鄭雖與他國為竟每瞻望晉歸赴之

既事晉矣

其敢有二心

傳言子產有備

冬許遷于白羽

左傳楚左尹王子勝言于楚子曰許于鄭仇敵也而居

楚地以不禮于鄭

十五年平王復遷邑許自夷還居葉恃楚而不事鄭

晉鄭方

睦鄭若伐許而晉助之楚喪地矣君盍遷許許不專

于楚鄭方有令政許曰余舊國也

許先鄭封

鄭曰余俘邑

也

隱十一年鄭滅許而復存之故曰俘邑

葉在楚國方城外之蔽也土

不可易

易輕也

國不可小

謂鄭

許不可俘讎不可啓君其

圖之楚子說冬楚子使王子勝遷許于析實白羽

于傳

時白羽  
改為析

日講春秋解義卷五十二



欽定四庫全書

日講春秋解義卷五十三

昭公

十有九年春

附錄

左傳十九年春楚工尹赤遷陰于下陰

陰杜注陰縣屬南鄉郡今

湖廣光化縣西漢水西岸有古陰縣城

令尹子瑕城邾

邾亦楚邑

叔孫昭子

曰楚不在諸侯矣其僅自完也以持其世而已

遷陰城邾

皆欲以自完守

楚子之在蔡也鄆陽封人之女奔之

鄆陽杜注

蔡邑當在今新蔡縣境

生太子建及即位使伍奢爲之師

伍奢伍舉

之子伍員之父

費無極爲少師無寵焉欲譖諸王曰建可室

矣

室妻也王爲之聘于秦無極與逆勸王取之正月楚

夫人羸氏至自秦

爲下拜夫人起

宋公伐邾

左傳邾夫人宋向戌之女也故向寧請師

寧向戌子請宋公伐邾

二月宋公伐邾圍蟲

蟲蟲杜注邾邑當在今山東濟寧州境

三月取之乃

盡歸邾俘

天下無霸邪以蕞爾小邦逞其暴橫而宋元於此  
能一正入郢之亂此所謂聲罪執言之師也

夏五月戊辰許世子止弑其君買

左傳

夏許悼公瘡五月戊辰飲大子止之藥卒

止獨進藥不由

醫

大子奔晉書曰弑其君君子曰盡心力以事君舍

藥物可也

藥物有毒當由醫非凡人所知譏止不舍藥物所以加弑君之名

穀梁傳

日弑正卒也

凡弑不書日此弑而日知買爲正卒也

正卒則止不

弑也不弑而曰弑責止也

責止不當藥

止曰我與夫弑者

不立乎其位以與其弟虺哭泣歆飭粥噉不容粒

噉喉

也未踰年而死故君子卽止自責而責之也

就其有自責心

故以備禮責之

許悼公飲世子止之藥而卒事與楚商臣蔡般異而同以弑書何也藥出於止而君死於藥則止雖非弑而弑君之罪止有不得辭者故加弑焉所以教天下之爲臣子者也其異於商臣般者過與故之不同耳其心不同而春秋之文一施之何以辨

乎觀商臣般皆立乎其位而止則弗立乎其位比  
事以推而止之不志乎弑亦可見矣且許與陳蔡  
皆密邇於楚許且近遷于白羽矣楚虔能假討賊  
之名以滅陳蔡何棄疾遂釋許而不問乎此又可  
尋迹推理而知之者也

已卯地震

經書地震者五而昭公之世再見地臣道也義主  
安靜時季孫僭竊臣道失常天心譴告而昭公漫

不知省其及宜矣

附錄  
左傳

邾人鄆人徐人會宋公乙亥同盟于蟲

終宋公  
伐邾事

楚子為舟師以伐濮

濮杜注  
南夷

費無極言于楚子曰

晉之伯也邇于諸夏而楚辟陋故弗能與爭若大城

城父而寘大子焉以通北方王收南方是得天下也

王說從之故大子建居于城父令尹子瑕聘于秦拜

夫人也

為明年譜  
大子張本

秋齊高發帥師伐莒

左傳秋齊高發帥師伐莒

莒不事齊故

莒子奔紀鄆

紀鄆杜注莒邑

也東海贛榆縣東北有紀城今山東莒州即江南贛榆縣界

使孫書伐之

孫書陳無字之

子子占也

初莒有婦人莒子殺其夫已爲婁婦

寡婦爲婁及老

託于紀鄆紡焉以度而去之

因紡纊連所紡以度城高下而藏之待外攻者

欲報讎去藏也

及師至則投諸外

繫繩城上而投其所垂于外隨之以出

或獻

諸子占子占使師夜縋而登

緣繩登城

登者六十人縋絕

師鼓譟城上之人亦譟莒共公懼啓西門而出七月

丙子齊師入紀

傳言怨不在大

齊景有爭霸之心因莒不事齊遂興是役夫不以德義服人而徒計近功侵凌弱小以晏子爲之輔佐亦不能有所匡正則所謂顯君者何足稱哉

冬葬許悼公

公羊傳

賊未討何以書葬不成于弑也曷爲不成于弑

止進藥而藥殺也止進藥而藥殺則曷爲加弑焉爾譏子道之不盡也其譏子道之不盡奈何曰樂正子春之視疾也

樂正子春曾子弟子以孝名聞

復加一飯則脫然愈復



損一飯則脫然愈復加一衣則脫然愈復損一衣則

脫然愈

脫然疾除貌也言消息得其節

止進藥而藥殺是以君子加

弑焉爾

失其消息多少之宜

曰許世子止弑其君買是君子之

聽止也

聽治止罪

葬許悼公是君子之赦止也

原止進藥本欲愈父

之病無害父之意故赦之

赦止者免止之罪辭也

穀梁傳

曰卒時葬不使止爲弑父也曰子既生不免乎

水火母之罪也羈貫成童不就師傳父之罪也

羈貫謂交

笄剪髮以爲飾成童八歲以上

就師學問無方心志不通身之罪也

心志既通而名譽不聞友之罪也名譽既聞有司不舉有司之罪也有司舉之王者不用王者之過也許世子不知嘗藥累及許君也

許君不授子以師傳使不識嘗藥之義故累及之

許止弑君與趙盾弑君皆聖人特筆然晉靈公不書葬而許悼公書葬者趙盾力能討賊而不討不得不得不終誅之若許止痛父之死咎已之深未踰年而卒則其心可知矣故上書弑以著止有弑君之

事此書葬以明止實無弑君之心一立法甚嚴一  
待人以恕也

附錄左傳

是歲也鄭駟偃卒子游娶于晉大夫生絲弱

子游

駟偃也弱幼少

其父兄立子瑕

子瑕子游叔父駟亡

子產憎其爲人也

憎子瑕

且以爲不順弗許亦弗止駟氏聳

聳懼

他日絲以

告其舅冬晉人使以幣如鄭問駟亡之立故駟氏懼  
駟亡欲逃子產弗遣請龜以卜亦弗予大夫謀對子  
產不待而對客曰鄭國不天寡君之二三臣札瘥天

昏

大死曰札小疫曰瘧短折曰夭未名曰昏

今又喪我先大夫偃其子幼

弱其一二父兄懼隊宗主私族于謀而立長親

于私族謀

之寡君與其二三老曰抑天實剝亂是吾何知焉諺

曰無過亂門民有兵亂猶憚過之而況敢知天之所

亂今大夫將問其故抑寡君實不敢知其誰實知之

平丘之會

在十三年

君尋舊盟曰無或失職若寡君之二

三臣其即世者晉大夫而專制其位是晉之縣鄙也

何國之爲辭客幣而報其使

遣人報晉使

晉人舍之楚

人城州來沈尹戌曰楚人必敗

十三年吳勝州來今就城而取之戌莊王

曾孫葉公諸梁父也

昔吳滅州來子旗請伐之王曰吾未撫吾

民今亦如之而城州來以挑吳能無敗乎侍者曰王施舍不倦息民五年可謂撫之矣戌曰吾聞撫民者節用于內而樹德于外民樂其性而無寇讎今宮室無量民人日駭勞罷死轉

轉遷徙也

忘寢與食非撫之也

鄭大水龍鬬于時門之外洧淵

時門鄭城門洧淵杜注洧水出滎陽

密縣東南至潁川長平入潁按今洧水自密縣東流經新鄭縣南門又東會于漆水謂之雙洎河卽洧淵

也國人請爲榮焉子產弗許曰我鬪龍不我覲也覲

也龍鬪我獨何覲焉襍之則彼其室也淵龍之室吾無求

于龍龍亦無求于我乃止也傳言子產之知令尹子瑕言

蹶由于楚子曰蹶由吳王弟五年靈王執以歸彼何罪諺所謂室于

怒市于色者楚之謂矣言靈王怒吳子而執其弟猶人忿于室家而作色于市人

舍前之忿可也乃歸蹶由言楚子能用善言

二十年春王正月

附錄左傳二十年春王二月己丑日南至是歲朔旦冬至之歲也當言正

月巳丑朔日南至時史失閏閏更在二月後故經因史而書正月傳更具于二月記南至日以正歷也

梓愼望氛

氛氣也時魯侯不行登臺之禮使梓愼望氛

曰今茲宋有亂國

幾亡三年而後弭蔡有大喪

爲宋華向出奔蔡侯卒傳

叔孫昭子

曰然則戴桓也

戴族華氏桓族向氏

汰侈無禮已甚亂所在也

傳言妖由人興

費無極言于楚子曰建與伍奢將以方城

之外叛自以爲猶宋鄭也齊晉又交輔之將以害楚

其事集矣王信之問伍奢伍奢對曰君一過多矣

一過

納建妻

何信于讒王執伍奢

愈奢切言

使城父司馬奮揚殺

太子未至而使遣之

知太子寃故遣令去

三月太子建奔宋王

召奮揚奮揚使城父人執已以至王曰言出于余口

入于爾耳誰告建也對曰臣告之君王命臣曰事建

如事余臣不佞不能苟貳奉

初以還秦初命以周旋

不忍後

命故遣之既而悔之亦無及已王曰而敢來何也對

曰使而失命召而不來是再奸也逃無所入王曰歸

從政如他日

善其言舍使還

無極曰奢之子材若在吳必憂

楚國盍以免其父召之彼仁必來不然將爲患王使



召之曰來吾免而父棠君尚謂其弟員曰

棠君奢之長子尚也

為棠邑大夫員尚弟子胥

爾適吳我將歸死吾知不逮

自以知不及員

我

能死爾能報聞免父之命不可以莫之奔也親戚為

戮不可以莫之報也奔死免父孝也度功而行仁也

仁者貴成功

擇任而往知也

員任報讎

知死不辟勇也

尚為勇

父

不可棄

俱去為棄父

名不可廢

俱死為廢名

爾其勉之相從為

愈

言愈于同奔共死也

伍尚歸奢聞員不來曰楚君大夫其肝

食乎

將有吳憂不得早食

楚人皆殺之員如吳言伐楚之利于

州于

州于吳子僚

公子光曰是宗為戮而欲反其讎不可

從也員曰彼將有他志

光欲弑僚不利員用事故破其議而員亦知之

余姑

為之求士而鄙以待之

計未得用故進勇士以求入于光退居邊鄙

乃見

鱄設諸焉

鱄諸勇士

而耕于鄙

為二十七年吳弑僚傳

夏曹公孫會自鄆出奔宋

鄆穀梁作夢杜註曹邑在今山東曹州北

公羊傳

奔未有言自者此其言自何畔也畔則曷為不言

其畔為公子喜時之後諱也春秋為賢者諱何賢乎公

子喜時讓國也其讓國奈何曹伯廬卒于師

在成十三年

則

未知公子喜時從與公子負芻從與

喜時曹伯廬弟負芻喜時庶兄

或爲主于國或爲主于師

古者諸侯師出世子率衆守國其次宜爲君者持棺

絮從所以備不虞或時疾病相代行史文不具故傳疑之

公子喜時見公子負芻

之當主也逡巡而退賢公子喜時則曷爲爲會諱君

子之善善也長惡惡也短惡惡止其身善善及子孫

賢者子孫故君子爲之諱也

穀梁傳

自夢者專乎夢也

能專制夢

曹無大夫其曰公孫何

也言其以貴取之而不以叛也

會以公孫之貴而得夢既而不以之叛明

曹君無道致令其奔非會之罪故書公孫以善之

春秋時臣能專其邑無不叛其國者故經於大夫自其邑出奔者皆先書叛以正其罪如宋華亥向寧華定自南里出奔楚先書入南里以叛宋公之弟辰自蕭來奔先書入蕭以叛是也此書自鄆出奔以見鄆乃會之世邑所得專制而不敢據邑以要君與身在國都倉卒見逐者異耳或謂爲公子喜時之後賢之非也春秋之義善善惡惡各以其

事何有賢其祖而遂褒其子孫乎且會爲喜時之  
子孫亦無所考公羊未見國史所傳事迹多未可  
信也

附錄  
左傳

宋元公無信多私而惡華向華定華亥與向寧

謀曰亡愈于死先諸

欲先  
作亂

華亥僞有疾以誘羣公子

公子問之則執之夏六月丙申殺公子寅公子御戎  
公子朱公子固公孫援公孫丁拘向勝向行于其廩

八子皆  
公黨

公如華氏請焉弗許遂劫之

劫

癸卯取大子

樂與母弟辰公子地以爲質

樂景公也辰及地皆元公第一云皆大子樂兄

弟公亦取華亥之子無感向寧之子羅華定之子啓

與華氏盟以爲質

爲此冬華向出奔傳

秋盜殺衛侯之兄縶

縶公羊穀梁作輒

左傳衛公孟縶狎齊豹

公孟靈公兄也齊豹齊惡之子爲衛司寇狎輕也

奪之

司寇與鄆

鄆杜注豹邑

有役則反之

縶足不良故有役則以官邑還豹使行

無則取之公孟惡北宮喜褚師圃欲去之

喜貞公子

朝通于襄夫人宣姜

宣姜靈公嫡母

懼而欲以作亂故齊豹

北宮喜褚師圃公子朝作亂初齊豹見宗魯于公孟

薦達也

爲駢乘焉將作亂而謂之曰公孟之不善子所

知也勿與乘吾將殺之對曰吾由子事公孟子假吾

名焉故不吾遠也

言子借我以善名故公孟親近我

雖其不善吾亦

知之抑以利故不能去是吾過也今聞難而逃是僭

子也

使子言不信

子行事乎吾將死之以周事子

周猶終竟也

而歸死于公孟其可也丙辰衛侯在平壽

平壽杜注衛下邑

公孟有事于蓋獲之門外

有事祭也蓋獲衛郭門

齊子氏帷于

門外而伏甲焉

齊豹之家

使祝鼃實戈于車薪以當門

其要

前使一乘從公孟以出

亦如前車實戈于薪尋其後

使華齊御公

孟宗魯驂乘及闕中

闕曲門中

齊氏用戈擊公孟宗魯以

背蔽之斷肱以中公孟之肩皆殺之公聞亂乘驅自

闕門入

闕門衛城門名

慶比御公公南楚驂乘使華寅乘貳

車

公副車

及公宮鴻駟魋駟乘于公

鴻駟魋復就公乘一車四人

公

載寶以出褚師子申遇公于馬路之衢遂從

徒公出

過

齊氏使華寅肉袒執蓋以當其闕

肉袒示不敢與齊氏爭執蓋蔽公而



去闕空也以蓋當侍從空闕之處

齊氏射公中南楚之背公遂出寅

閉郭門

不欲令追者出

踰而從公

踰郭出

公如死鳥

死鳥杜注衛地

析

朱鉏宵從竇出徒行從公

朱鉏成子黑背孫

齊侯使公孫青

聘于衛

青頃公之孫

既出聞衛亂使請所聘公曰猶在竟

內則衛君也乃將事焉

行聘事

遂從諸死鳥請將事辭

曰亡人不佞失守社稷越在草莽吾子無所辱君命

賓曰寡君命下臣于朝曰阿下執事

阿比也命已使比衛臣下

臣

不敢貳主人曰君若惠顧先君之好照臨敝邑鎮撫

其社稷則有宗祧在乃止衛侯固請見之不獲命以

其良馬見

爲相見之禮

爲未致使故也

故不敢以客禮見

衛侯以

爲乘馬

喜其敬已故貴其物

賓將擗

擗行夜

主人辨曰亡人之憂

不可以及吾子草莽之中不足以辱從者敢辭賓曰

寡君之下臣君之牧圉也若不獲扞外役是不有寡

君也臣懼不免于戾請以除死親執鐸終夕與于燎

設火燎以備守

齊氏之宰渠子召北宮子

北宮喜也

北宮氏之宰

不與聞謀殺渠子遂伐齊氏滅之丁巳晦公入與北

宮喜盟于彭水之上秋七月戊午朔遂盟國人八月

辛亥公子朝褚師圃子玉霄子高魴出奔晉皆齊氏黨閏

月戊辰殺宣姜與公子朝通謀故衛侯賜北宮喜諡曰貞子

滅齊氏故賜析朱鉏諡曰成子宵從公故而以齊氏之墓子之

皆未死而賜諡及墓田傳終而言之衛侯告寧于齊且言子石子石公孫青言

其有禮齊侯將飲酒徧賜大夫曰二三子之教也苑何

忌辭曰何忌齊大夫與于青之賞必及于其罰在康誥曰

父子兄弟罪不相及尚書康誥況在羣臣臣敢貪君賜以

干先王琴張聞宗魯死

琴張孔子弟子字子開名牢

將往弔之仲

尼曰齊豹之盜而孟縶之賊女何弔焉君子不食姦

知公孟不善而受其祿是食姦也

不受亂

許豹行事是受亂也

不爲利疚于回

疚病回邪也以利故不能去是病身于邪

不以回待人

知難不告是邪待人

不蓋

不義

以周事豹是蓋不義

不犯非禮

以二心事縶是非禮

公羊傳

母兄稱兄兄何以不立有疾也何疾爾惡疾也

穀梁傳

盜賤也其曰兄母兄也目衛侯衛侯累也

惡衛侯不

能保護其兄乃爲盜所殺

然則何爲不爲君也曰有天疾者不得

入乎宗廟輒者何也曰兩足不能相過

聚合不解  
如見絆繫齊

謂之繫楚謂之蹶衛謂之輒

左氏以爲齊豹殺之也豹爲衛司寇何以盜書胡

氏安國謂罪在宗魯宗魯孟紱之驂乘法應書盜

此求其說而不得也宗魯雖與聞其事而作亂者

實豹今釋豹不誅歸獄宗魯於義爲頗然則經所

謂盜實齊豹耳豹具官於衛變文書盜所以甚衛

靈之無政刑也以千乘之國不能衛其母兄制其

禍亂使盜賊竊發兄死身危幾亡其國故書盜以著之至豹以守嗣大夫爲盜賊之事是亦盜賊而已矣

冬十月宋華亥向寧華定出奔陳

寧公羊作甯

左傳宋華向之亂公子城公孫忌樂舍司馬彊向宜向

鄭楚建鄴申出奔鄭

城平公子舍樂喜孫宜鄭皆向戌子建楚平王亡大子申小邾

穆公子八子皆宋大夫公之黨辟難出

其徒與華氏戰于鬼閭

八子之徒衆也

鬼閭杜注潁川長平縣西北有閭亭今河南陳州西華縣東北閭倉亭城是也

敗子城子城

適晉

別走至晉爲明年子城以晉師至張本

華亥與其妻必盥而食所

質公子者而後食公與夫人每日必適華氏食公子

而後歸華亥患之欲歸公子向寧曰唯不信故質其

子若又歸之死無日矣公請于華費遂將攻華氏

遂費

大司馬  
華氏族

對曰臣不敢愛死無乃求去憂而滋長乎

恐殺

大子憂  
益長

臣是以懼敢不聽命公曰子死亡有命余不

忍其詢

也詢恥

冬十月公殺華向之質而攻之戊辰華

向奔陳華登奔吳

登費遂之子  
黨華向者

向寧欲殺大子華亥

曰千君而出又殺其子其誰納我且歸之有庸

可以  
爲公

善

使少司寇將以歸

將華亥庶兄以三公子歸公也

曰子之齒長矣

不能事人以三公子爲質必免

質信也送公子歸可以自明不叛之信

公子既入華將自門行

從公門去

公遽見之執其手曰

余知而無罪也入復而所

所所居官

十有一月辛卯蔡侯廬卒

廬左氏作廬按十三年蔡侯廬歸于蔡左氏亦作廬此應

誤

附錄左傳

齊侯疥遂疔

疔瘡疾

期而不瘳諸侯之賓問疾者

多在

多在齊

梁丘據與裔款言于公曰

二子齊嬖大夫

吾事鬼



神豐于先君有加矣今君疾病爲諸侯憂是祝史

之罪也諸侯不知其謂我不敬君盍誅于祝固史嚚

以辭賓

欲殺嚚固以辭謝來問疾之賓

公說告晏子晏子曰日宋之

盟

宋盟在襄二十七年

屈建問范會之德于趙武趙武曰夫子

之家事治言于晉國竭情無私其祝史祭祀陳信不

愧其家事無猜其祝史不祈建以語康王

楚王

康王曰

神人無怨宜夫子之光輔五君以爲諸侯主也公曰

據與款謂寡人能事鬼神故欲誅于祝史子稱是語

何故對曰若有德之君外內不廢

無廢事

上下無怨動

無違事其祝史薦信無愧心矣是以鬼神用饗國受

其福祝史與焉

與受國福

其所以蕃祉老壽者爲信君使

也其言忠信于鬼神其適遇淫君外內頗邪上下怨

疾動作辟違從欲厭私高臺深池撞鐘舞女斬刈民

力輸掠其聚

輸墮也

以成其違不恤後人暴虐淫從肆

行非度無所還忌

還猶顧也

不思謗讟不憚鬼神怒民

痛無悛于心其祝史薦信是言罪也其蓋失數美是

矯誣也進退無辭則虛以求媚是以鬼神不饗其國

以禍之祝史與焉所以天昏孤疾者爲暴君使也其

言僭慢于鬼神公曰然則若之何對曰不可爲也

非言

誅祝史所能治

山林之木衡鹿守之澤之萑蒲舟鮫守之藪

之薪蒸虞候守之海之鹽蜃祈望守之

衡鹿舟鮫虞候祈望皆官

名也言公專守山澤之利不與民共

縣鄙之人入從其政偏介之關暴

征其私

介隔也迫近國都之關言邊鄙既入服政役近關又征奪其私物使民重困也

承嗣

大夫強易其賄

承嗣大夫世位者

布常無藝

布政無法制

徵斂無

度宮室日更淫樂不違內寵之妾肆奪于市外寵之

臣僭令于鄙

詐爲教令

私欲養求不給則應

所求不給則應之以罪

民人苦病夫婦皆詛祝有益也詛亦有損聊攝以東

聊攝

杜注齊西界也平原聊城縣有攝城在今山東聊城縣東北

姑尤以西

姑尤杜注齊東

界也姑水尤水皆在城陽郡東南入海姑水卽今山東黃縣之大姑河尤水卽今掖縣之小姑河

其

爲人也多矣雖其善祝豈能勝億兆人之詛君若欲

誅于祝史修德而後可公說使有司寬政毀關去禁

薄斂已責

除逋責

十二月齊侯田于沛

疾愈行獵沛杜注澤名

招虞人以弓不進

虞人掌山澤之官

公使執之辭曰昔我先

君之田也旃以招大夫弓以招士皮冠以招虞人臣

不見皮冠故不敢進乃舍之仲尼曰守道不如守官

君招當往道之常也非物不進官之制也

君子韙之

韙是也

齊侯至自田

晏子侍于遼臺

臺名

子猶馳而造焉

子猶梁丘據

公曰唯據

與我和夫晏子對曰據亦同也焉得爲和公曰和與

同異乎對曰異和如羹焉水火醯醢鹽梅以烹魚肉

燂之以薪

燂炊也

宰夫和之齊之以味濟其不及以洩

其過

淺減也

君子食之以平其心君臣亦然君所謂可

而有否焉臣獻其否以成其可

獻君之否以成君可

君所謂否

而有可焉臣獻其可以去其否是以政平而不干民

無爭心故詩曰亦有和羹既戒既平

詩商頌言中宗能與賢者和齊

可否其政如羹敬戒且平和羹備五味異于大羹

醴餼無言時靡有爭

醴總也

大也言總大政能使上下如和羹

先王之濟五味和五聲也以平其

心成其政也聲亦如味一氣

樂須氣以動

二體舞者有文武三

類風雅頌

四物

雜用四方之物以成器

五聲

宮商角徵羽

六律

黃鐘大簇姑洗

蕤賓夷則無射也陽聲爲七音宮商角徵羽變宮變律陰聲爲呂此十二月氣

午及子凡七日王因此以數合之以聲昭八風八方之故以七同其數以律和其聲謂之七音

東北方曰條風又名融風東方曰明庶風東南曰清明風南方曰景風又名凱風西南曰涼風西方曰闔闔

風西北曰不周風九歌九功之德皆可歌也六府三北方曰廣莫風

謂之六府正德利以相成也言此九者合然用厚生謂之三事後相成爲和樂清濁小

大短長疾徐哀樂剛柔遲速高下出入周疏以相濟

也周密君子聽之以平其心心平德和故詩曰德音

不瑕詩幽風義取心平則德音無瑕闕今據不然君所謂可據亦曰

可君所謂否據亦曰否若以水濟水誰能食之若琴瑟之專壹誰能聽之同之不可也如是飲酒樂公曰

古而無死其樂若何晏子對曰古而無死則古之樂

也君何得焉昔爽鳩氏居此地爽鳩氏少皞氏之司寇季荊

因之季荊虞夏諸侯代爽鳩氏者有逢伯陵因之逢伯陵殷諸侯姜姓蒲姑

氏因之蒲姑氏殷周之間代逢公者而後大公因之古若無死爽

鳩氏之樂非君所願也鄭子產有疾謂子大叔曰

我死子必爲政唯有德者能以寬服民其次莫如猛



夫火烈民望而畏之故鮮死焉水懦弱民狎而翫之

則多死焉故寬難

治難

疾數月而卒大叔爲政不忍

猛而寬鄭國多盜取人于萑苻之澤

萑苻杜注澤名疑即中牟澤于

澤中劫人也

大叔悔之曰吾早徙夫子不及此興徒兵以

攻萑苻之盜盡殺之盜少止仲尼曰善哉政寬則民

慢慢則糾之以猛猛則民殘殘則施之以寬寬以濟

猛猛以濟寬政是以和詩曰民亦勞止汜可小康惠

此中國以綏四方施之以寬也

詩大雅汜其也周厲王暴虐民勞于苛政

故詩人刺之欲其施之以寬

毋從詭隨

詭人隨人無正心不可從

以謹無良式

遇寇虐慘不畏明糾之以猛也

慘曾也言爲寇虐曾不畏明法者亦當用

猛政糾治之

柔遠能邇以定我王平之以和也又曰不競

不綖不剛不柔

詩商頌言湯政得中和綖急也

布政優優百祿是道

優優和也道聚也

和之至也及子產卒仲尼聞之出涕曰古

之遺愛也

子產見愛有古人之遺風

二十有一年春

附錄左傳

二十一年春天王將鑄無射

周景王也無射鐘名律中無射

冷

州鳩曰

淨樂官州鳩其名

王其以心疾死乎夫樂天子之職

也夫音樂之興也

樂因音而行

而鐘音之器也

音由器以發

天

子省風以作樂器以鍾之

鍾聚也以器聚音

興以行之小者

不窕

窕細而不滿

大者不櫛

櫛橫大不入

則和于物物和則嘉

成

嘉樂成也

故和聲入于耳而藏于心心億則樂

億安也

窕

則不咸

不充滿人心

櫛則不容

心不堪容

心是以感感實生疾

今鐘櫛矣王心弗堪其能久乎

爲明年天王崩傳

王三月葬蔡平公

傳左三月葬蔡平公蔡大子朱失位位在卑不在適子位以長幼

曲大夫送葬者歸見昭子昭子問蔡故以告昭子歎

曰蔡其亡乎若不亡是君也必不終詩曰不解于位

民之攸暨詩大雅暨息也今蔡侯始即位而適卑身將從之

爲蔡侯朱出奔傳

夏晉侯使士鞅來聘書聘止此

傳左夏晉士鞅來聘叔孫爲政叔孫昭子以三命爲國政季孫欲惡

諸晉憎叔孫在已上位故使有司以齊鮑國歸費之禮爲士鞅

鮑國歸費在十四年牢禮各如其命數魯人失禮故爲鮑國七牢

士鞅怒曰鮑國之

位下其國小而使鞅從其牢禮是卑敝邑也將復諸

寡君魯人恐加四牢焉爲十一牢

言魯不能以禮事大國且爲哀七年

吳徵百牢起

晉頃即位五年始通嗣君蓋霸業既墮六卿睚眦相忌邦交不暇及也於時士鞅怒魯禮好不結財求無藝諸侯外之而晉亦不復遣聘矣

宋華亥向寧華定自陳入于宋南里以叛

叛公羊作畔南里杜注宋

城內里名在今河南商丘縣境

左傳宋華費遂生華貍華多僚華登貍爲少司馬多僚

爲御士公御士與貍相惡乃譖諸公曰貍將納亡人亡

等華亥亟言之公曰司馬以吾故亡其良子司馬華費遂良子華

登死亡有命吾不可以再亡之對曰君若愛司馬則

如亡死如可逃何遠之有言亡可以逃死勿慮其遠以恐動公公懼使

侍人召司馬之侍人宜僚飲之酒而使告司馬告使遂貍

司馬歎曰必多僚也吾有讒子而弗能殺吾又不死

抑君有命可若何乃與公謀逐華軀將使田孟諸而

遣之公飲之酒厚酬之

酬酒幣

賜及從者司馬亦如之

亦如公賜張句尤之

張句華軀臣尤怪賜之厚

曰必有故使子皮承宜

僚以劍而訊之

子皮華軀

宜僚盡以告張句欲殺多僚子

皮曰司馬老矣登之謂甚

言登亡傷司馬心已甚

吾又重之不

如亡也五月丙申子皮將見司馬而行則遇多僚御

司馬而朝張句不勝其怒遂與子皮白任鄭翩殺多

僚

任翩亦軀家臣

劫司馬以叛而召亡人壬寅華句入樂大

心豐愆華經禦諸橫

橫杜注梁國睢陽縣南有橫亭

華氏居盧門以

南里叛

盧門宋東城南門

六月庚午宋城舊廊及桑林之門

而守之

舊廊故城也桑林城門名

公羊傳

宋南里者何若曰因諸者然

因諸者齊故刑人之地公羊子齊人

故以齊喻也博物志云周曰因圍齊曰因諸

穀梁傳

自陳陳有奉焉爾入者內弗受也其曰宋南里

宋之南鄙也以者不以者也叛直叛也

言不作亂

華向首禍於國結黨以奔今乘隙而入外挾吳楚



將覆宗邦罪不勝誅矣春秋書叛于戚于朝歌于蕭皆不係之國此獨曰宋南里者戚與朝歌及蕭皆其所食私邑若南里則宋國城內之里名是華向與宋分國而居不止竊邑而已故書入于宋南里以深罪叛臣逼脅其君已甚之詞也曰自陳者因陳之力陳亦有罪焉爾

秋七月壬午朔日有食之

左傳秋七月壬午朔日有食之公問于梓慎曰是何物

也

物事

禍福何爲對曰二至二分

二至冬至夏至二分春分秋分

有食之不爲災日月之行也分同道也至相過也

二分

日夜等故言同道二至長短極故言相過

其他月則爲災陽不克也故常

爲水

陰侵陽是陽不勝陰

昭公之世日食凡七見時天下彊臣多抗其君而

季氏之僭逼尤甚梓慎不能因公之問告以省德

消變乃云分至不爲災按詩十月之交即夏正八

月秋分之月也而云日有食之亦孔之醜七年四

月甲辰朔日食春分之月也而云魯衛惡之安在其不爲災邪即行有常度天運固然然遇災而懼之心亦當無時不做凜也

八月乙亥叔輒卒

輒公羊作莊

左傳于是叔輒哭日食

意在子憂災

昭子曰子叔將死非所

哭也八月叔輒卒

輒叔弓之子無事業見經獨書其卒卿卒必書也

附錄左傳

冬十月華登以吳師救華氏

登前年奔吳

齊烏枝鳴

戍宋

烏枝鳴齊大夫

廚人濮曰

濮宋廚邑大夫

軍志有之先人有奪

人之心後人有待其衰盡及其勞且未定也伐諸若

入而固則華氏衆矣悔無及也從之丙寅齊師宋師

敗吳師于鴻口

鴻口杜注梁國睢陽縣東有鴻口亭在今商丘虞城二縣界

獲其

二帥公子苦雒偃州員

二帥吳大夫

華登帥其餘以敗宋

師公欲出

出奔

廚人濮曰吾小人可藉死

可借使死難

而不

能送亡君請待之乃徇曰揚徽者公徒也

徽識也所以相別

衆從之公自揚門見之

揚門睢陽正東門名揚門

下而巡之曰國

亡君死二三子之耻也豈專孤之罪也齊烏枝鳴曰

用少莫如齊致死齊致死莫如去備

備長兵也

彼多兵矣

請皆用劍從之華氏北復即之廚人濮以裳裹首而

荷以走曰得華登矣遂敗華氏于新里

新里華氏所取邑

翟

僂新居于新里既戰說甲于公而歸

翟僂新公臣居華氏地而助公

戰華姓居于公里亦如之

姓華氏族故助華氏亦如僂新說甲歸

十一

月癸未公子城以晉師至

城以前年奔晉

曹翰胡會晉荀吳

齊苑何忌衛公子朝救宋

翰胡曹大夫苑何忌齊大夫公子朝前年出奔晉今

還丙戌與華氏戰于赭丘

赭丘杜注宋地後漢志陳國長平縣有赭丘城當在

今河南陳州西北境

鄭翩願爲鸛其御願爲鵠鄭翩華氏黨名子

祿御公子城莊董爲右

子祿向宜

干犂御呂封人華豹張

句爲右

皆華氏黨

相遇城還華豹曰城也城怒而反之

反還

戰將注豹則關矣

注傳矢關引弓

曰平公之靈尚輔相余

公平

公子城之父

豹射出其閒

出子城子祿之閒

將注則又關矣曰不

狎鄙

狎更也謂豹頻射不使已得更遞是可鄙

抽矢

豹止不射

城射之殪

豹死

張

句抽矢而下

父長丈二在車邊

射之折股扶伏而擊之折軫

折城

又射之死

自死

干犇請一矢

求死

城曰余言女于君

死

又射之死

欲活

對曰不死伍乘軍之大刑也

同乘共伍當皆死

干刑而

從子君焉用之子速諸乃射之殪

犇死

大敗華氏圍

諸南里華亥搏膺而呼見華貍曰吾爲欒氏矣

晉欒盂還

入作亂而死事在襄二十三年

貍曰子無我廷

廷恐也

不幸而後亡使

華登如楚乞師華貍以車十五乘徒七十人犯師而

出

犯公師出送華登

食于睢上哭而送之乃復入

入南

楚遂

越帥師將逆華氏大宰犯諫曰

犯楚

諸侯唯宋事其

君今又爭國釋君而臣是助無乃不可乎王曰而告

我也後既許之矣

爲明年華向  
出奔楚傳

冬蔡侯朱出奔楚

朱穀梁  
作東

左傳蔡侯朱出奔楚費無極取貨于東國

東國隱大子  
之子平侯廬

之弟朱  
叔父也

而謂蔡人曰朱不用命于楚君王將立東國

若不先從王欲楚必圍蔡蔡人懼出朱而立東國朱

愬于楚楚子將討蔡無極曰平侯與楚有盟故封

于盟

鄧依陳蔡  
人以國

其子有二心故廢之

子謂  
朱也

靈王殺隱大子



其子與君同惡德君必甚又使立之不亦可乎且廢

置在君蔡無他矣

言權在楚則蔡無他心

殺梁

傳東者東國也何爲謂之東也王父誘而殺焉

楚

虔誘蔡侯般殺之于申

父執而用焉

執蔡世子有以歸用之

奔而又奔之

曰東惡之而貶之也

奔既罪矣又奔僻國惡莫大焉

費無極取貨東國脅國人出朱而立之讒人之爲

害如此或疑此書朱出奔楚後書東國卒于楚朱

無歸入卒葬之文東國無出奔之事疑即東國而

誤爲朱然左氏記沈尹戌之言亦曰出蔡侯朱而  
史記蔡世家亦曰隱太子之子東國攻平侯子而  
代立則朱東國固兩人也穀梁經文特因後書東  
國而誤爾

公如晉至河乃復

傳左公如晉及河鼓叛晉


晉克鼓在十五年  
至是叛晉屬鮮虞

晉將伐鮮

虞故辭公

晉伐鮮虞何妨於邦交而以此爲辭以却公蓋意

如之謀公益急晉之權家黨李氏以弱其君而晉  
君亦不得自爲政矣



日講春秋解義卷五十三